



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 58. Clementis XI. Constitutiones & Epistolæ.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII.  
A. C. 1704.

§. LVIII.

*Clementis XI. Constitutiones &  
epistolæ.*

*Clem. XI.  
Epist. &  
Brev. Bull.  
magn. Const.  
Clem. XI.  
pag. 18.*

Præter Constitutionem, qua Clemens XI. Lotharingici Procuratoris appellationem damnavit, insuper hoc anno die undecima Martii circa Judæos & infideles Neo-conversos statuit, eis bona, filiis vero familias legitima & bona adventitia, dos, & alimenta omnino intacta remaneant nec parentes ea in fraudem filiorum familias conversorum occultent, aut distrahant: illicitè vero aquisita personis, quæ notæ sunt, restituantur, secus ipsi Neophytis applicentur, matrimonia tamen cum originariis Christianis contrahant, & a ritibus antiquæ sectæ abstineant &c. Die autem undecima Junii Pontifex perpetuas concessit Indulgentias in Dominica tertia Septembris visitantibus Ecclesias Ordinis Servorum B. V. Pariter Pontifex die vigesima secunda Januarii Franciscum Bugiensem Episcopum Vicarium Apostolicum Coccincinæ, Missionarios, aliosque fideles in odium fidei dire vexatos, paternè solatus, illuc Episcopum Tilopolitanum misit, ut eis solatio, huic autem Vicario in suis ærumnis adjumento effectus postea



postea præfato Vicario injunxit, ut acta & nomina fidelium, qui vitam pro Christi fide illic posuerunt, quamprimum Romanam perferri curet. Ejusdem vero Mensis die vigesima sexta Cardinales Leopoldum de Kolonitz & Lambergum, necnon Electorem Palatinum & Saxo-Zeitsium Episcopum Jauriensem rogabat, ut auctoritatem, operam, studiumque suum interponerent, quatenus Hildesiensis Ecclesiæ Clero, quorum fructus hæretici interceperunt, & Templacæ cænobia quædam eripere machinati sunt, illata damna resarciantur, & tot mala, hostiumque Ecclesiæ impetus elidantur. Die sexta Maij Monialibus Ordinis Visitationis B. V. ut arcam, in qua Corpus S. Francisci Salesii asservabatur, recludere possent, concessit, promisitque, cultum Sanctimonialis de Chantal in S. Rituum Congregatione rite & ordine suo discutiendum esse, & si quid contra hujus Ordinis Constitutiones in Cænobio Monacensi circa tempus, quo ejusdem loci Præposita suo munere perfungi deberet, contigerit, per Episcopum Frisingensem emendatum iri, cui etiam Pontifex datis die decima septima Maij literis idem injunxit, postulans, ut Præposituræ officium alteri demandari curet. Cum autem nonnullæ Moniales in Monaste-

Sæc. XVII.  
A. C. 1704.



Æc. XVII. rio S. Claræ de Albaro Sedi Aposto-  
A. C. 1704. licæ subjecto in civitate Genuensi con-  
 tra Episcopum Savonensem, quem  
 Papa ad tollendas offensiones deputa-  
 verat, non modo insurrexerint, sed  
 etiam alias & saniores Moniales præ-  
 fato Episcopo obsequi paratas variis  
 modis vexarint, & a Sacramentorum  
 usu vi arcere, Abbatissam, quam tamen  
 Pontifex exauctorari, aliamque subro-  
 gari præcepit, fovere, & claustra ad-  
 versus legitimam Ecclesiæ potestatem  
 castrorum more tueri, necnon censuras  
 ipsis inflictas, atque Episcopi decreta  
 flocci habere non dubitaverint, hinc  
 Pontifex die vigesima sexta Augusti Du-  
 cis & Republicæ Gubernatoris opem  
 implorabat, ut Episcopus delegatus  
 officii sui partes impigre obire valeat.  
 Jam ab anno Christi millesimo sexcen-  
 tesimo octogesimo quinto quidam mota  
 controversia ex Regii Patronatus bene-  
 ficiis Pontifici Quindennia persolvere  
 detrectarunt, imo etiam Ulyssiponenses  
 Jesuitæ, huic oneri satisfacere recu-  
 sarunt, quo comperto Clemens Papa  
 Michaeli Angelo Tarsensi Archiepiscopo  
 in Lusitanæ Aula Nuntio Apostolico  
 injunxit, ut facultatem interdiceret  
 Jesuitis admittendi ad habitum, & re-  
 cipiendi in eorum Institutum eos, qui  
 admitti peterent, quoad usque præ-  
 fatis



fatis Quindenniis satisfecisse docue- Sæc. XVII.  
 rint. A. C. 1704.

Paruit Pontifici Nuntius, propterea  
 tamen a Regiis Ministris multis affectus  
 est injuriis. Eo comperto Pontifex  
 die vigesima septima Novembris que-  
 rulas ad Petrum Regem dedit literas,  
 significans, exploratum esse Quinden-  
 „nia, quibus ubique obnoxia reperiu-  
 „tur Beneficia Ecclesiastica, suffecta  
 „fuisse in locum Annatarum, Annatas  
 „vero subrogatas fuisse decimis, quæ  
 „ut notum est, ad tuendam dignitatem,  
 „& ad cætera Ecclesiæ universalis o-  
 „nera perferenda, Romano Pontifici  
 „capiti visibili Ecclesiæ ex antiquissimo  
 „instituto exsolvebantur, ita, ut a de-  
 „cimarum onere nullo unquam sæcu-  
 „laris, etiam Regii, aut Ecclesiastici  
 „Patronatus titulo, Beneficia immu-  
 „nia haberentur; hinc Prædecessores  
 „Pontifices divino, humanoque juri  
 „consentaneum esse duxerint, Quin-  
 „denniis, quæ naturam, conditionem-  
 „que decimarum induerant, ipsa etiam  
 „Beneficia, quæ Regii Patronatus  
 „essent, suis Constitutionibus subdicere,  
 „ut propterea tutum non sit, illæsa  
 „Conscientia, hujusmodi jura sanctæ  
 „Sedis tum antiqua, tum canonica,  
 „occasione Controversiæ a quibusdam  
 „isthic nuperrime excitatæ remittere,



Sæc. XVII. „munerique, & debito, quo Papa ob-  
 A.C. 1704. „strictus esset, hac in parte deesse.

Cum autem illi, qui hæc Quindennia solvere recusaverant, opponerent, quod jura ex Quindenniis percepta ad quosdam Curia Romanæ Ministros pertinerent, ac decimæ, quibus Annatæ & Quindennia fuerunt subrogata, inter temporalia Romanæ Ecclesiæ jura essent recensendæ, aliunde vero si beneficia, quæ sunt de Regio Patronatu, horum solutioni subderentur, prærogativas Regis lædi atque imminui constaret, concurrentibus autem juribus temporalibus Ecclesiæ Romanæ cum juribus Regiis, hæc potius quam illa tuenda essent, hinc Pontifex declaravit, quod licet hæc jura nunc ad Curia Ministros pertineant, id nullo modo obesse possit primævis, & immediatis titulis, atque rationibus Apostolicæ Sedis, cujus tanquam Administri, censerentur debent præfati officiales, attento maxime, quod ipsi, eorumque authores exactis temporibus necessaria in rem Christianam & in summorum Pontificum tutelam, & decus, præsidia sanctæ Sedis suffecerint, & modo non levi ex parte dignitati nostræ suffragentur, ut propterea bonæ fidei ab ipsis habitæ Prædecessoribus nostris, a quibus hujusmodi proventus agno-



„agnoscunt, respondere omnino de- Sæc. XVII.  
 „beamus, aliunde vero omnibus ex- A. C. 1704.  
 „ploratum sit, decimas jure Divino,  
 „& Canonico deberi Romano Ponti-  
 „fici, tum in recognitionem Domini  
 „Universalis ipsi competentis in omni-  
 „bus bonis Deo & Ecclesiæ dicatis,  
 „tum pro congrua Dignitatis, quam  
 „gerit, tanquam visibile caput Ecclesiæ,  
 „sustentatione; sitque etiam satis per-  
 „spectum, aliud nihil esse Beneficia,  
 „quæ de jure Patronatus Regio dicun-  
 „tur, quam donationes ex liberali Re-  
 „gum pietate profectas, Deoque obla-  
 „tas, quæ propterea a jure illius, cui  
 „Deus Ecclesiæ regimen demandavit,  
 „eximi non possunt. Vix autem con-  
 „jici potest, quibus documentis inni-  
 „tantur illi, qui astruunt, ac fidenter  
 „statuunt, ita jam olim servatum fuisse  
 „in Ecclesia, ut cætera quidem bene-  
 „ficia, nullatenus vero ea, quæ ad  
 „Regios Patronatus pertinebant, de-  
 „cimas exsolvisent: cum certe constet,  
 „Annatas, quarum antiquissima est,  
 „& multorum sæculorum observantia,  
 „loco decimarum persolvi cæpisse ex  
 „recepta inter fideles consuetudine,  
 „adeoque omnia Regna, quæ Romani  
 „Pontificis auctoritatem colunt, eas  
 „dependisse, actaque dependere pro  
 „ipsis beneficiis, quæ de Jure Patro-  
 „natus



Sæc. XVII. „natus etiam Regio esse noscuntur, quo-  
 A. C. 1704. „ties contingat literas Apostolicas in  
 „Romana Curia expediri, quod non raro  
 „evenit, ubi scilicet ad eadem beneficia  
 „nominantur, qui Pontificia dispensatio-  
 „ne opus habent, ut irregulares, ætate  
 „minores, Regulares Professi, plura Bene-  
 „ficia obtinentes, aut aliud sub eodem  
 „tecto, aut alteri de consensu Patroni  
 „resignantes, aut beneficiatum sibi dari  
 „in Coadjutorem exposcentes, sive ei  
 „conferri a Sede Apostolica aliud bene-  
 „ficio incompatible cum Decreto,  
 „quod vacet, obtentum, postulantes,  
 „aut cum Reges pensiones super iisdem  
 „beneficiis favore aliorum reservari ex-  
 „optant, in quibus, & similibus casibus,  
 „neque Episcopi, neque Reges, utpote  
 „Laici, Ecclesiasticum titulum conferre  
 „possunt, quemadmodum in omnibus ubi-  
 „que Nationibus quotidie usu venit, & in  
 „Regno isto semper observatum fuit.

Eapropter Nuntio suo Pontifex, ut  
 pœnis a se statutis in contumaces anim-  
 adverteret, injunxit, simulque Ulyssi-  
 ponensem Archiepiscopum sollicitavit,  
 ut in hac controversia suam operam  
 impenderet, quatenus Regem & Ca-  
 tharinam Britanniae Viduam ejus so-  
 rorem a perniciosis ejusmodi consiliis  
 revocare, & ad justitiam reddendam  
 adducere niteretur. Nec tamen Papæ  
 votis



votis cessit Petrus Rex, cui Clemens Sæc. XVII.  
 nihilominus dispensationis geminæ gra- A. C. 1704.  
 tiam, quam Joannes Rex anno hujus  
 sæculi decimo pro duplici matrimonio  
 petierat, non denegavit, etsi non de-  
 essent, qui Pontifici suadere contende-  
 rent, hanc gratiam esse differendam,  
 donec Rex circa quindennia Pontifici  
 satis fecisset. Denique Pontifex S. Con-  
 gregationi Episcoporum ademit facul-  
 tatem indulgendi Cappucinis, ut sæ-  
 cularium confessiones excipere possint,  
 nisi in casibus a Papa concessis.

## §. LIX.

*Diversæ Sacrarum Congregationum  
 Constitutiones & decreta.*

Jussu ejusdem summi Pontificis Sacræ Bull. magn.  
 Congregationes plura ediderunt de- Clem. XI.  
 creta, & primo quidem die decima part. 2.  
 quinta Februarii statutum, quod licen- pag. 247.  
 tiam habentes comedendi cibos vetitos  
 in Quadragesima, teneantur in cæna  
 observare jejunium. Die etiam deci-  
 mo nono Februarii promulgatum est  
 decretum, quo sub anathematis pœna  
 inhibitum, ne quiscunque cæmeteria  
 intra & extra Romam ingrediatur, in-  
 deque S. Reliquias extrahat, nec Ro-  
 mæ integra corpora aut insignes Reli-  
 quix aliis, quam magnis Principibus,  
 conspicuisque Prælati tradantur. Sta-  
 tutum